

RS-BIH: ProÅ¡iren krug obveznika na koje se ne odnosi fiskalizacija

Autor fiskalizacija.com
Utorak, 01 Travanj 2014
Zadnja Promjena Utorak, 01 Travanj 2014

Vlada Republike Srpske utvrdila je Nacrt zakona o izmjenama i dopunama Zakona o fiskalnim kasama radi rasterećenja privrede i poboljšanja privrednog ambijenta, kojim je proširen krug poreskih obveznika na koje se ne odnosi obaveza fiskalizacije.

"Među njima su poljoprivredna gazdinstva koja nisu obveznici PDV-a i samostalni preduzetnici koji obavljaju zanatsku djelatnost kao mali preduzetnici u skladu sa odredbama kojima se uređuje oporezivanje dohotka", saopćeno je iz Biroa Vlade Srpske za odnose s javnošću.

S ciljem smanjenja troškova izazvanih fiskalizacijom, ovim zakonom predloženo je i ukidanje obaveznog godišnjeg tehničkog pregleda fiskalnih uređaja koji su vršili ovlašteni servisi prema njihovom cjenovniku, a na osnovu ugovora sa poreskim obveznicima.

Dosadašnja primjena ovog zakona ukazala je na to da za pojedine kategorije poreskih obveznika posjedovanje fiskalnog uređaja i prateći troškovi predstavljaju veliko finansijsko opterećenje.

Dosadašnjom primjenom Zakona uočeno je da ispunjavanje obaveze uvođenja kontrolnih traka u periodu od tri godine, od poreskog obveznika zahtijeva posebne prostorne i tehničke uslove, pa je ovaj rok smanjen na jednu godinu, a brisana je odredba kojom je propisana obaveza poreskih obveznika za godišnji tehnički pregled fiskalnog sistema.

"Ovakvim zakonskim rješenjima rasterećuju se poreski obveznici i smanjuju troškovi poslovanja", dodaje se u saopćenju.

Osim toga, pooštrena je kaznena politika tako da se njime uvodi sankcija oduzimanje ovlaštenja za vršenje servisa za ovlaštenog servisera koji nije u objektivnom i opravdanom roku izvršio servis fiskalne kase, a zbog toga je poreski obveznik sankcionisan.

Uvodi se i mjera zabrane obavljanja djelatnosti za poreskog obveznika ako ne vrši registriranje svakog pojedinačnog prometa putem fiskalnog sistema, pošto ne obavljanje djelatnosti bez instalisanog i fiskalizovanog fiskalnog sistema ili ako klijentu ne izda fiskalni račun.

Mjera zabrane obavljanja djelatnosti izriče se u trajanju od 30 dana uz prekršajnu novčanu kaznu propisanu ovim zakonom.